

CI CANTEMMU “MAMMA”

- Per ricordare una serenata portata a mia madre -
Finale 07/2004

Ruòppu ca i mustardi si manciàru
l'amici sunatura si parlàru;
pinzàru pur'a-mmia e mmi chiamàru
ruòppu ca cu-mme frati s'appattàru.

Sutta li çìuri c'annacava u vientu
e li tuvagghi sciutti, acculurati;
runn'ê-pisola, accupati a stientu,
u sonu si sparmàu ri ddi latati.

Sutta lu barcunieddu ri me maṭri,
ca era beḍḍa, oramai bbonarma,
nu n cantu ruci, ca chiancièn'î peṭri,
chi gocci all'uocchi cci cantemmu “Mamma”

Lucio Vranca